

**SENARAI PEMBERITAHUAN PRODUK –
POLISI INSURANS WANG TUNAI**

(Sila baca Senarai Pemberitahuan Produk ini sebelum anda membuat keputusan untuk mendapatkan **Polisi Insurans Wang Tunai**. (Pastikan juga anda membaca terma dan syarat-syarat am yang terdapat di dalam polisi).

Rujukan kami	: V0124
Nama Penawar Khidmat kewangan	: Liberty General Insurance Berhad Dahulu dikenali sebagai AmGeneral Insurance Berhad
Nama Produk	: Polisi Insurans Wang Tunai
Tarikh	: Mac 2024

Kontrak Insurans Komersial

Menurut **Perenggan 4(1) Jadual 9** Akta Perkhidmatan Kewangan 2013, jika anda memohon insurans ini **untuk tujuan yang berkaitan dengan perdagangan, perniagaan atau profesion anda**, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

1. Apakah yang dimaksudkan dengan produk ini?

Polisi ini bertujuan untuk melindungi industri atau perniagaan daripada kehilangan wang tunai, yang mungkin dibawa oleh penghantar, dan/atau pekerja orang yang diinsuranskan dan mungkin juga ketika transit dari satu tempat ke tempat lain, ketika di buka untuk perniagaan, dan/atau ketika disimpan di dalam peti simpanan sepanjang malam.

2. Apakah perlindungan / manfaat yang ditawarkan?

Polisi ini memberi perlindungan terhadap:

- Wang Tunai Ketika Transit** – Kehilangan wang tunai ketika ia dibawa dari premis orang yang diinsuranskan ke bank dan balik semula serta diiringi oleh pekerja yang diberi kebenaran oleh orang yang diinsuranskan.
- Wang Tunai Di Dalam Premis** – Kehilangan wang tunai ketika disimpan di dalam premis perniagaan dan wang tunai yang disimpan di dalam peti simpanan/bilik kebal akibat daripada kecurian atau rompakan yang disertai dengan keganasan yang dilakukan oleh individu selain daripada pekerja orang yang diinsuranskan.
- Kerosakan Pada Peti Besi Simpanan** – Kehilangan atau kerosakan pada peti besi simpanan dan bilik kebal akibat daripada kecurian atau sebarang cubaan untuk melakukannya.

Tempoh perlindungan ialah selama Satu tahun. Anda perlu memperbaharui pelan insurans setiap tahun.

Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

3. Berapakah jumlah premium yang perlu dibayar?

Premium yang perlu dibayar bergantung kepada jumlah wang tunai ketika transit dan juga wang yang disimpan di dalam premis perniagaan.

4. Berapakah bayaran dan caj-caj yang perlu dibayar?

Bayaran dan caj-caj yang perlu dibayar ialah:

Jenis	Jumlah
Komisen ejen atau jika terdapat pengantara yang terlibat	25%
Duti Setem	RM10.00
Cukai Perkhidmatan	Tertakluk kepada kadar semasa seperti yang dikenakan oleh Kerajaan Malaysia

5. Apakah terma dan syarat-syarat utama yang perlu diberi perhatian?

Terma dan syarat-syarat utama yang perlu diberi perhatian ialah:

- Polisi ini boleh dilanjutkan untuk perlindungan Kemalangan Diri dengan bayaran premium tambahan.
- Anda perlu memberitahu kami secara bertulis jika berlaku sebarang kemalangan yang boleh melibatkan tuntutan bagi polisi tersebut.
- Jika anda mengambil mana-mana perlindungan insurans yang memberi perlindungan ke atas liabiliti yang sama, kami tidak bertanggungjawab untuk membayar melebihi kadar yang dinyatakan.
- Jika terdapat sebarang kesilapan pada maklumat yang diberikan di dalam borang permohonan, polisi ini terbatal dan tidak sah.

Liberty General Insurance Berhad 197801007153 (44191-P)
Dahulu Dikenali Sebagai AmGeneral Insurance Berhad

Liberty Insurance Tower, CT9, Pavilion Damansara Heights, 3 Jalan Damanlela, Pusat Bandar Damansara, 50490 Kuala Lumpur.

Peti Surat 11228, GPO Kuala Lumpur, 50740 Kuala Lumpur.

Tel: +603 2268 3333 **Laman Sesawang:** www.libertyinsurance.com.my

(No. Daftar Cukai Perkhidmatan: B16-1808-31015443)

6. Apakah pengecualian utama bagi polisi ini?

Polisi ini tidak menawarkan perlindungan untuk:

- a) Sebarang kerugian disebabkan atau akibat daripada nota bank atau wang tunai palsu.
- b) Kehilangan atau kerosakan akibat daripada atau melalui pakatan sulit atau penggelapan wang palsu.
- c) Kehilangan akibat daripada wang yang ditinggalkan di dalam kenderaan tanpa dijaga.
- d) Sebarang kerugian disebabkan oleh atau berlaku akibat daripada mogok, rusuhan atau kegemparan awam.

(Nota: Senarai ini adalah tidak lengkap. Sila rujuk pada kontrak polisi untuk mendapatkan senarai penuh pengecualian bagi polisi ini).

7. Bolehkah saya membatalkan polisi saya dan bagaimanakah caranya?

Anda boleh membatalkan polisi anda dengan memberikan notis bertulis kepada syarikat kami. Setelah pembatalan dilakukan, anda layak menerima bayaran balik premium berdasarkan kepada kadar jangka-pendek, di mana sebarang bayaran premium minimum yang dibayar bagi polisi tersebut tidak akan dibayar.

8. Apakah yang perlu dilakukan jika terdapat perubahan pada maklumat peribadi/surat- menyurat saya?

Adalah penting untuk memberitahu syarikat kami jika terdapat sebarang perubahan pada maklumat surat-menyurat anda. Ini bagi memastikan bahawa urusan surat-menyurat diterima oleh anda dalam masa yang ditetapkan.

9. Dimanakah saya boleh dapatkan maklumat lanjut?

Sekiranya anda memerlukan maklumat lanjut, sila lawati laman web kami di www.libertyinsurance.com.my atau hubungi mana-mana pejabat cawangan kami di seluruh negara atau

Untuk sebarang pertanyaan, sila hubungi kami di:

Liberty General Insurance Berhad
Liberty Insurance Tower,

CT9, Pavilion Damansara Heights,
3, Jalan Damanlela,
Pusat Bandar Damansara,
50490 Kuala Lumpur

Tel : +603 2268 3333 (General Line) or 1 300 88 8990

Emel : customer@libertyinsurance.com.my

Laman Web : www.libertyinsurance.com.my

NOTA PENTING:

ANDA DINASIHATKAN MEMBACA DAN MEMAHAMI POLISI INSURANS TERSEBUT SERTA BERBINCANG DENGAN EJEN ATAU MENGHUBUNGI SYARIKAT INSURANS SECARA TERUS UNTUK MAKLUMAT LANJUT.

Maklumat yang diberikan di dalam senarai pemberitahuan ini adalah sah bermula **Mac, 2024**.